



## INATSIARTUNI

Partii Inuit  
Randi Broberg

UPA 2014/138-1  
01.4.2014

**Uunga siunnersuut: Kalaallit Nunaanni annaassiniarnissamut upalungaarsimaneq aamma ikualattoornissamik qaartoornissamillu pitsaaliuinermi iliuusissat pillugit Inatsisartut inatsisaata allangortinneqarnissaa pillugu Inatsisartut inatsisaat.**

Partii Inuit tunngaviusumik tapersersuissuungut oqartussaaffiit aalajangersaavigineqartarnerat Kommunitut akisussaaffiit siammarlugit aqqissuussinerit naalakkersuinikkut ineriartortinneqassappata.

Tamannali aatsaat qulakkeerneqarsinnaavoq peqqissaartumik pineqartunut tassa kommuneqarfiup iluani piffinni tamani atungassarititaasunut aningaasaqarnikkut aqutsinikkullu artorsiiffiunngippat.

Partii Inuit isumaqarpugut upalungaarsimaneq pineqartillugu sumiiffinni pineqartuni, tassa illoqarfinni nunaqarfinnilu inoqarfiusuni tamani atungassarititaasut peqqissaartumik nalilersuiffigineqartariaqartut; nalilersuinerlu aallaavingalugu naalakkersuisut kommunillu akunnerminni pitsanngorsaatisanik pilersaarusiortariaqartut pilersaarutillu aallaavingalugit naalakkersuisut kommunillu akunnerminni ikioqatigiillutik inatsisartut inatsisaata oqaasertai tulluarnepaat siunnersuutigineqassasut.

Partii Inuit taama isumaqarpugut ilaatigut takusinnaangatsigu inatsisip oqaasertaasa ilai sumiiffinni ataasiakkaani atorneqarsinnaanngittut aammalu inatsit eqqortinneqassappat piviusorsiortumik aqqissuussisoqartariaqartoq isumaqaratta.

Taama oqaaseqarluta siunnersuutip aappassaaneerneqannginnermini ataatsimiisitaliami susassaartumi suliarineqarnissaa ilalerparput.